

ADIÉU À LA CHARTO

Aqueste cop es fa, la Charto éuropenco di lengo regionalo sara pas ratificado pèr la Franço...



Prouvènço d'aro

Tóuti li mes, lou journau de la Prouvènço d'aro

Desèmbre de 2015

n° 316

2,10 €

Prèsidènt

Deplouro que deplouraras

1 - Lou Felibrige fai saupre qu'a manda lou 21 òtobre passa uno letro au présidènt de la Republico, ié demando que la Charto éuropenco di lengo regionalo vo minoritarié siegue ratificado... (Lou Senat a deja respòndu que noun!)

Dins lou cas ounte aquel ome lou sauprié pas: "Le Félibrige réaffirme qu'il retient comme seule terminologie pour être employée et défendue: la langue d'oc dans la diversité de ses parlers", valènt-à-dire que vòu plus de l'apelacion "occitan/langue d'oc" qu'emploge lou Menistèri de la cultura. Es acò sa "volonté de promouvoir une façon de vivre originale, une civilisation authentique, ouverte sur l'universel, plus humaine, moins soumise aux seules lois des affaires". Pièi, dins uno bello reverènci se baio d'esplico claro: "Le Félibrige a l'honneur de porter, une nouvelle fois, sa position et ses revendications à votre haute connaissance, en soulignant que les revendications qui ont inspiré la philosophie mistralienne..."

2 - "Le Félibrige déplore que l'enseignement des langues régionales soit systématiquement dévalorisé". Adounc demando "que chaque individu qui le désire puisse accéder à l'enseignement de la langue, de la culture, de l'histoire des Pays d'oc" e tambèn "qu'une vraie dynamique de valorisation de l'enseignement de la langue d'oc soit instituée..."

3 - Lou Felibrige deploro la "nouvelle organisation territoriale de la République" e demando que li region respèton sis especificita e siegon naturalamen denoumado pèr sis apelacion istourico "excluant toutes dénominations farfelues, hasardeuses, touristiques ou sigliques". (Mai, pecaire, lou gouvèr risco de pas se soucita d'aquel avejaire).

4 - Lou Felibrige deploro mai lou biais de faire de FR3 e France Bleu e demando uno plaço reservado à "des artistes, musiciens comédiens ou chanteurs d'expression culturelle d'oc", perqué pas, fuguè la toco di proumièri manifestacion pèr carriero que menèron à l'ocupacion d'unis estacion de television, mai lou Felibrige èro deja absènt.

5 - "Le Félibrige déplore que l'information ou l'actualité relatives à la culture d'oc, et cette culture elle-même, soient systématiquement occultées, que la population des régions concernées ne puisse en jouir ou la découvrir d'une façon naturelle et spontanée". Pas proun d'aquéu manco de jouissènço, "Il déplore que les Français dans leur ensemble, ne puissent s'enrichir de la connaissance de la parole et des « trésors » des régions de France", pièi "Il demande que l'information relative à la culture et au « quotidien » d'oc soit traitée à égalité avec la culture « nationale ». E d'aqui demando encaro "que les collectivités locales et l'État prennent en charge ce qui est de leur responsabilité". Segur que van entendre lou message.

Pèr acaba lou Felibrige passo au souvèr pèr la Franço e is espèr de bonur pèr lis assemblado regionalo. E fort de sis idèio, come dis, lou Felibrige pènso qu'a òufert aqui de soulucion.

Enfin acaba en bèuta "Le Félibrige d'aujourd'hui tient à souligner, essentiellement, en tant que mouvement mistralien, que, pour lui, le but d'une réorganisation territoriale, le but d'une régionalisation de notre pays, ne peut qu'être une renaissance régionale dans tous les domaines".

Deméi li 8000 letro que reçaup chasque jour, lou présidènt de la Republico, finira bèn pèr trouba lou tèms de legi aquelo qu'es escricho en francès, lengo de sa Republico, acò l'ensouleiara de-segur.

Nàni, lou Senat n'en vòu pas



Grand Jo Flourau Setenàri de Scèus

Despièi 1980 lou Coumitat felibren de Scèus ourganiso de Jo flourau cade sèt an.

Adounc aquéu Coumitat felibren a declara dubert li Jo flourau literari de lengo d'o pèr lou sieien cop.

Soun amesso li obro inedito de:

- pouèsio: odo o epoupèio, pouèmo, cansoun...
- de proso: assai, conte o nouvello, coupousicion dramatico brèvo,
- Lou Coumitat jujara soubeiranamen lis escrit en councois à sa voulounta propro.
- Tóuti li varieta de la lengo d'o (auvergnas, gascoun, lengadocian, lemosin, prouven-

çau, vivarò-aupin) emai la lengo catalano, e tóuti li grafio saran amesso au councois de destinacion sènso.

- Li mandadis auran d'èstre fach en tres eisemplari pica à la machino o sus l'ourdinatour pèr cade oubrage, sènso signaturo o endicacion d'autour nimai. Fin que pousquèsson èstre identifica, pourtaran soucamen en tèsto uno deviso que sara repetido sus un ple cacheta joun au mandadis, caupènt li noum, pichot noum, dato de neissènço, adrèisso coumplèto e parla d'ourigino de l'autour. Li manuscrit noum saran rendu.

- Aquèsti mandadis, coumplèt e counforme, auran d'èstre par-

vengu lou mai tard, lou dilun 14 de mars de 2016, terme de rigour, au Coumitat di Jo Flourau de Scèus (adrèisso eici en seguito).

- Li laureat designa reçaupran soun prèmi au tèms de la Felibrejado que sara ourganisado lou dimenche 5 de jun de 2016, au jardin di Felibre de Scèus, pèr: la vilo de Scèus, la Soucieta di Felibre de Paris / Ami de la lengo d'o, l'Assouciacion di Meridiounau de Scèus, la Vihado d'Auvergno e dóu Massiéu centrau.

Touto reclamacion aura d'èstre soumesso au Coumitat di Jo Flourau de Scèus.

Pèr derougacion, fin de coungreia uno duberturo mai grando devers de noun felibre interessa pèr lis ativeta felibrenco, lou councois countèn uno seicioun de lengo franceso reservado à d'obro en proso sus lou tèmo di lengo de Franço e de l'interès que i'a de lis apara, o encaro au sujet di relacion entre la vilo de Scèus e li país de lengo d'o.

Pèr tóutis àutris entre-signe: Comité des Jeux Floraux de Sceaux - Hôtel de Ville - 122 rue Houdan - 92331 Sceaux cedex - 01 41 13 32 52 - Fax 01 41 13 32 82 - jeuxfloraux@sceaux.fr

Li senatour dison adieu à la Charto

Lou comte es bon 188 voues contro 155, e lou tour es jouga...

Pajo 2

Escourregudo tibetano

Uno nouvello virado dins lou mounde de noste dessinatour...

Pajo 6

Lou pouèto Lucian Duc

Se counmemourè aquest an lou centenari dóu felibre, journalisto, e pouèto...

Pajo 12